



Inatsisartunut ilaasortaq
Per Berthelsen
Demokraatit
maani

§ 36, imm. 1 naapertorlugu Per Berthelsen-imit 4. maj 2006 apeqqummut akissut Ilinniarnertuunngorniarnermi aaqqiissutissat aamma Ilinniarnertuunngorniarnermi allangortiterinissat pillugit

Allakkat 4. maj-imeersoq tiguara, tassanilu Naalakkersuisunut arlaqartunik apeqquteqarputit. Kissaatigisatit malillugit akissuteqarniassaanga, ataasiakkaarlugit. Apeq-qutigineqartut ersarinninngorlugit allanneqarput.

Ilinniarnertuunngorniarnermut aaqqissuussinermut ullumikkut atuuttumut kingusinnerpaamillu august 2009 tikillugu atuuttussamut suut naleqqusarneqassanersut paaserusunnarpoq:

Akissut: Nalunaarutit assigiinngitsut inatsiserlu ataaseq iluarsaallugit aallartitsisoqarsimavoq, tamannalu pisariaqalersimavoq Danmarkimi ilinniarnertuunngorniarneq, HF, HHX aamma HTX-it allangortiterneqarmata. Tamanna pisariaqalersimavoq kalaallit ilinniartut Danmarkimi nunanilu allani ilinniartinnut allanut ilinniaqalersinnaanissaat qulakkeerniarlugu.

Ilinniarnertuunngorniarnarfimmi ilaatigut pisariaqarsimavoq ilinniartitsissutip kalaalisoornerup nunaqavissutut ilinniartitsissutigineqarnissaa, pinngortitamut ilisimatusarnerup ilinniartitsissutigineqalernissaa kiisalu danskit undervisningsministeriaata ilinniartitsissutigineqartussanut aammalu tiimit agguataarnissaanut pilersaarutini akuersissuteqarnissamut pisussaaffeqarsimanera atorunnaarsinneqarluni.

Misilitsinnerit soraarummeernerillu pillugit kalaallit nunaanni ilinniarnertuunngorniarnarfinni malittarisassat atuuttut pigiinnerneqassapput annikitsumik aaqqiissuteqarfigalugit.

HTX-imi ilinniartitsissutigineqartuni arlalinni tiimit amerlassusaat allangortinneqarput.

HHX-imi aamma – 2-A-niveau-mut piunasaqaatit atorunnaarsinneqarnerisa kingunerisaanik – ilinniartitsissutigineqartunut arlaqartunut tiimit allangortinneqarput.

Inuussutissarsiutigalugu ilinniarnertuunngorniarnarfiit HTX aamma HHX pillugit nalunaarutip allangortinneratigut atuariit ataasiakkaat misilitsinnernut eqimattakkaarluni ingerlanneqartussanut aalajangiisinaanerat tunngavissaarutissaaq. Tamanna

17. maj 2006
J.nr. 02.23-00004
Dok.nr.169199

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip-mail@gh.gl
www.nanoq.gl/kiip

danskit ilinniarnertuunngorniariifii eqqarsaatigalugit allanngortitsisimanermut naapertuuppoq.

Taakku saniatigut fagbilagit arlallit allanngortinneqarput, taamaalillutik Kalaallit Nunaanni ilinniarnertuunngorniariifinnut pingasuusunut atuuttussanngorlutik. Tassani pineqarput tuluttoorneq, matematik, kalaallisoorneq aamma danskisoorneq.

Ilinniarnertuunngorniariifup allanngortiternerani pingaernerit sorliit allanngortiternerqassanersut paaserusunnarpoq.

Akissut. Suleqatigiissitamik aallartitsisoqarnikuuvoq, taannalu suleqatigiinnissamut tunngavissiaq aallaavigalugu sulisussaavoq. Tassani anguniarneqarpoq, ilinniarnertuunngorniariifit Kalaallit Nunaanni Naalagaaffeqatigiinnermilu ilinniartitseriaatsinut peqataanissaat. Ilinniarnertuunngorniariifit sapinngisaq malillugu inuusuttut amerlanerpaat Kalaallit Nunaanni, Danmarkimi nunanilu allani ilinniafinnut anginerusunut isersinnaanissaat anguniartussaavaat kiisalu kalaallit kulturiannut, kalaallinut inuiaqatigiinnut nunarsuullu sinneranut tunngavissiisussaallutik.

Ilinniarnertuunngorniarnerep allanngortiternissaani aallaaviunerpa danskit aamma europamiut ilinniarfiinut ilinnialersinnaanermut piukkunnarsaanis-saq?

Akissut: Aap.

Ilinniarnertuunngorniarnerep allanngortiternissaani ilinnialersinnaanermut piumasaqaatit tamatigoortut atuutsiinnarneqassanerlutik, angusamikkut karakterit agguaqatigiissillugu 8 angusimanngikkunikku taamaalilluni danskit ilinniarfiinut tamanut ilinnialersinnaallutik?

Danskit Naalagaaffiata aamma Namminersornerullutik Oqartussat akornanni im-mikkut isumaqatigiissutip kingunerissavaa, kalaallit ilinniartut danskit ilinniarfiinut isersinnaalernissaat, tassanilu piumasarineqarpoq agguaqatigiissillugu 8-mik imaluunniit anginermik karaktereqarnissaq. Isumaqatigiissut taanna Ilinniarnertuun-gorniariifup allanngortiternissaanut atuutinngilaq.

Ilinniarnertuunngorniarnerep allanngortiternissaani ilinniartut isumaat tunngavigineqassanersut misissorneqassanerluni?

Akissut: Aap.

Allanngortiterinissamut suliat pillugit ilinniartut ilisimatinneqassanerlutik?

Akissut: Aap, Aasianni ukiup aappasaanik atuortoq suleqatigiissitami peqataavoq.

Inussiarnersumik inuulluaqqusillunga

Doris Jakobsen
Naalakkersuisunut